

REGLUR um lausafjárhlfutfall.

1. gr.

Gildissvið.

Reglur þessar taka til viðskiptabanka, sparisjóða, annarra stofnana og félaga sem heimilt er lögum samkvæmt að taka við innlánnum frá almenningu til geymslu og ávöxtunar og annarra lána-stofnana sem starfa samkvæmt lögum, og ber að uppfylla gildandi reglur Seðlabanka Íslands um bindiskyldu, nú reglur nr. 373/2008; hér eftir nefndar einu nafni lánastofnanir.

2. gr.

Mat á lausu fé.

Lánastofnanir, sbr. 1. gr., skulu kappkosta að eiga nægt laust fé til að mæta greiðsluskuldbind-ingum sínum. Laust fé skal flokkað eftir neðangreindum fjórum tímabilum:

1. Laust innan eins mánaðar.
2. Laust eftir einn mánuð til allt að þriggja mánaða.
3. Laust eftir þrjá mánuði til allt að sex mánaða.
4. Laust eftir sex mánuði til allt að tólf mánaða.

lausafjárhlfutfall eins og það er skilgreint í reglum þessum skal reiknað mánaðarlega á grund-velli upplýsinga í lok hvers mánaðar skv. sérstakri skýrslu til Seðlabankans.

3. gr.

Lágmark lausafjárhlfutfalla.

Með lausafjárhlfutalli er átt við hlutfall lausafjárkrafna og lausafjárskuldbindinga sbr. 5. og 6. gr. þessara reglna. Lausafjárhlfutföll lánastofnana skulu eigi vera lægri en 1 fyrir hvorn liðanna 1. og 2. tl. 1. mgr. 2. gr. Sé lausafjárhlfutfallið skv. 1. tl. hærra en 1 skal heimilt að yfirlæra þá fjárhæð sem umfram stendur yfir á 2. tl.

Lánastofnanir skulu einnig gera grein fyrir lausafjárhlfutföllum fyrir önnur tímabil, þ.e. skv. 3. og 4. tl. 1. mgr. 2. gr.

4. gr.

Viðurlög.

Nái lausafjárhlföll lánastofnunar ekki því lágmarki sem sett er í 1. mgr. 3. gr. skal reikna dagsektir á þær fjárhæðir sem á vantar skv. gildandi reglum um beitingu viðurlaga í formi dagsektta, nú reglur nr. 389/2002. Um ákvörðun dagsektta, kæruheimild og innheimtu gilda eftir því sem við geta átt ákvæði 6., 7. og 8. gr. framangreindra reglna.

Seðlabankanum er heimilt að skuldfæra reiknuð viðurlög á viðskiptareikning viðkomandi lána-stofnunar hjá bankanum að liðnum a.m.k. sjö dögum frá því að ákvörðun um dagsektir var kynnt aðila sbr. 3. mgr. 6. gr. nefndra reglna í 1. mgr. hér að framan. Lánastofnun, sem annast bindiskyldu fyrir aðra bindiskylda lánastofnun, heimilar Seðlabankanum að skuldfæra viðurlög vegna viðkom-andi stofnunar á reikning sinn í bankanum.

5. gr.

Skilgreining á lausafjákröfum.

Eftirtaldar kröfur í eigu lánastofnunar skulu teljast til lausafjárkrafna og falla undir 1. tl. 1. mgr. 2. gr.:

1. Sjóður í innlendum og erlendum gjaldmiðli.
2. Öbundnar innstæður í seðlabökum, þar með talin innstæða á reikningi vegna bindiskyldu. Aðalviðskiptareikningur fjármálafyrirtækis hjá öðru fjármálafyrirtæki, þar með talin innstæða bindiskyllds fjármálafyrirtækis hjá öðru bindiskyldu fjármálafyrirtæki vegna milli-göngu um bindiskyldu skv. gildandi reglum um bindiskyldu, nú 8. gr. reglna nr. 373/2008.
3. Veðlán og/eða endurhverf verðbréfaviðskipti lánastofnunar við Seðlabankann.

4. 5% af samningsbundnum veltilánum til lánastofnana vegna afurða- og rekstrarlána.
 5. Eigin reikningar (nostro) í lánastofnunum.
 6. 5% af yfirdráttarlánum og afurðalánum.
 7. 15% af öllum vanskilum sem eru eldri en þrjátíu daga, þ.m.t. greiddar óinnleyistar ábyrgðir.
 8. 90% af markaðsverðmæti innlendra ríkisvíxla, annarra endurseljanlegra bréfa í Seðlabankanum og erlendra ríkisvíxla.
 9. 80% af markaðsverðmæti víxla lánastofnana með viðskiptavakt, sem skráðir eru í kauphöll eða á skipulögðum tilboðsmarkaði, skráðra erlendra markaðsskuldbréfa, skráðra erlendra hlutabréfa og hlutdeildarskírteina verðbréfasjóða.
 10. 50% af markaðsverðmæti skráðra víxla- og skuldabréfaflokka með viðskiptavakt, sem eru ekki hæfir til að tryggja veðlán og/eða í endurhverfum verðbréfaviðskiptum við Seðlabankann, og hlutabréfa í úrvalsvísítölu OMX Iceland.
 11. 25% af markaðsverðmæti annarra skráðra innlendra hlutabréfa.
 12. 10% af markaðsverðmæti annarra skráðra skuldabréfa án viðskiptavaktar.
 13. 80% af ónýttum hluta samningsbundinna veltilána hjá innlendum og erlendum lánastofnunum í ISK.
 14. Kröfur vegna ónýttra hluta samningsbundinna veltilána hjá innlendum og erlendum lánastofnunum í erlendum gjaldmiðli.
 15. 10% af ónýttum lánsheimildum (láналínum) í innlendum og erlendum gjaldmiðli.
- Aðrar eftirtaldar kröfur skulu flokkast undir hlutaðeigandi tölulið 1. mgr. 2. gr. eftir eftirstandandi binditíma þeirra:
1. Innstæðubréf Seðlabanka Íslands.
 2. 90% af endurgreiðslum vegna krafna á innlendar lánastofnanir að undanskildum eigin reikningum (nostro).
 3. Endurgreiðslur vegna krafna á erlendar lánastofnanir bæði í innlendum og erlendum gjaldmiðli að undanskildum eigin reikningum (nostro).
 4. 80% af endurgreiðslum vegna krafna á aðra aðila en lánastofnanir að frátöldum kröfum í vanskilum, yfirdráttar- og afurðalánum.
 5. 90% af kröfum vegna veðlána og/eða endurhverfra verðbréfaviðskipta þar sem mótaðili er annar en Seðlabankinn. Þetta hlutfall skal þó vera 100% vegna milligöngu eins fjármála-fyrtækis fyrir hóp annarra fjármálafyrtækja.
 6. 90% af jákvæðu markaðsvirði (óinnleyustum hagnaði) afleiðusamninga, þ.m.t. framvirkir samningar, skiptasamningar og valréttarsamningar.
 7. 80% af kröfum vegna sölutrygginga.

6. gr.

Skilgreining á lausafjárskuldbindingum.

Eftirtaldar skuldbindingar lánastofnunar skulu teljast til lausafjárskuldbindinga og falla undir 1. tl. 1. mgr. 2. gr.:

1. Gjaldkræfar skuldir við seðlabanka, þar með talin útreiknuð bindiskyldukvöð skv. reglum Seðlabanka Íslands um bindiskyldu og uppgjörskvöð vegna greiðslukerfa.
2. Veðlán og/eða endurhverf verðbréfaviðskipti lánastofnunar við Seðlabankann.
3. 5% af lánasamningum við lánastofnanir vegna afurða- og rekstrarlána.
4. 5% af bundnum innlánum í krónum, önnur en innlán lánastofnana og/eða lánastofnana sem fengið hafa heimild til greiðslustöðvunar og/eða lánastofnana sem fengið hafa heimild til að leita nauðasamnings og/eða lánastofnana í slitameðferð og/eða hvers kyns lögaðila sem leiða má frá slíkum lánastofnunum, þar á meðal en þó ekki eingöngu dótturfélög, yfirtökufélög eða samrunafélög; og 10% af öðrum innlánum.
5. 80% af skuldbindingum vegna ónýttra hluta samningsbundinna veltilána til innlendra og erlendra lánastofnana í ISK.
6. 100% af skuldbindingum vegna ónýttra hluta samningsbundinna veltilána til innlendra og erlendra lánastofnana í erlendum gjaldmiðli.

7. 25% af skuldbindingum vegna ónýtts hluta veltilána til annarra en lánastofnana í innlendum og erlendum gjaldmiðli.
8. 10% af ábyrgðum.
9. 5% af innlendum kreditkortahheimildum.
10. 0,5% af erlendum kreditkortahheimildum.

Aðrar eftirtaldar skuldbindingar skulu flokkast undir hlutaðeigandi tölulið 1. mgr. 2. gr. miðað við eftirstandandi binditíma þeirra:

1. Endurgreiðslur af skuldum, öðrum en vegna afurða- og rekstrarlána, við innlendar og erlendar lánastofnanir, þ.m.t. vegna innlána lánastofnana sem fengið hafa heimild til greiðslustöðvunar og/eða lánastofnana sem fengið hafa heimild til að leita nauðasamnings og/eða lánastofnana í slitameðferð og/eða hvers kyns lögaðila sem leiða má frá sílikum lána-stofnunum, þar á meðal en þó ekki eingöngu dótturfélög, yfirtökufélög eða samrunafélög.
2. Endurgreiðslur af verðbréfaútgáfu á markaði.
3. Endurgreiðslur af annarri lántóku.
4. 100% af skuldbindingum vegna veðlana og/eða endurhverfra verðbréfaviðskipta þar sem mótaðili er annar en Seðlabankinn.
5. 100% af neikvæðu markaðsvirði (óinnleystu tapi) afleiðusamninga, þ.m.t. framvirkir samningar, skiptasamningar og valréttarsamningar.
6. 25% af andvirði skuldbindinga vegna sölutrygginga.
7. 80% af skuldbindingum vegna samþykktra lánsloforða.
8. Greiðslur vegna samþykktar arðs.

7. gr.

Frekari upplýsingar vegna afleiðuviðskipta og erlendra dótturfélaga.

Eftirtaldar kröfur og skuldbindingar skulu flokkast undir hlutaðeigandi tölulið 1. mgr. 2. gr. eftir eftirstandandi binditíma þeirra og hvort um er að ræða erlendan eða innlendenan gjaldmiðil:

1. Höfuðstóll framvirkra samninga.
2. Greiðsluflæði skiptasamninga.
3. Höfuðstóll valréttarsamninga.

Ofangreindir töluliðir eru ekki teknir með í útreikningi á lausafjárlutfalli.

Kröfur og skuldbindingar við erlend dótturfélög ásamt öðrum liðum skulu flokkast undir hlutaðeigandi tölulið 1. mgr. 2. gr. eftir eftirstandandi binditíma þeirra.

8. gr.

Skýrsluskil.

Skýrslum um laust fé skal skilað til Seðlabankans innan 15 daga frá lokum hvers mánaðar og er bankanum heimilt að beita dagsektum við vanrækslu á skýrsluskilum á grundvelli gildandi reglna um beitingu viðurlaga í formi dagsekta, nú reglur nr. 389/2002. Um ákvörðun dagsekta, kærueimild og innheimtu gilda ákvæði 6., 7. og 8. gr. greindra reglna eftir því sem við getur átt og um skuldun dagsekta á hlutaðeigandi aðila gildir 2. mgr. 4. gr. hér að framan eftir því sem við getur átt.

Innri endurskoðandi lánastofnunar, þar sem honum er til að dreifa, eða aðalbókari skal yfirfara aðferðir við skýrslugerð lauss fjár að minnsta kosti einu sinni á ári og senda Seðlabankanum skriflega yfirlýsing um. Slík yfirlýsing skal jafnframt send þegar fyrsta skýrsla lánastofnunar er útbúin samkvæmt reglum þessum.

9. gr.

Gildistaka o.fl.

Reglur þessar, sem settar eru samkvæmt heimild í 12. gr. laga nr. 36/2001, um Seðlabanka Íslands, taka gildi 1. október 2012. Frá sama tíma falla úr gildi reglur Seðlabanka Íslands um lausafjárlutfall nr. 317 frá 25. apríl 2006.

Ákvæði til bráðabirgða.

I.

Til aðlögunar að reglum þessum getur Seðlabanki Íslands veitt lánastofnunum sérstakar tíma-bundnar undanþágur frá 1. tl. 2. mgr. 6. gr. reglnanna, sbr. einnig 4. tl. 1. mgr. 6. gr., að því er varðar binditíma endurgreiðslna af skuldum, öðrum en vegna afurða- og rekstrarlána, við innlendar og erlendar lánastofnanir, þ.m.t. vegna innlána lánastofnana sem fengið hafa heimild til greiðslu-stöðvunar og/eða lánastofnana sem fengið hafa heimild til að leita nauðasamnings og/eða lána-stofnana í slitameðferð og/eða hvers kyns lögaðila sem leiða má frá slíkum lánastofnunum, þar á meðal en þó ekki eingöngu dótturfélög, yfirtökufélög eða samrunafélög, sbr. nánar 1. mgr. 2. gr. reglna þessara.

Lánastofnun skal leggja til grundvallar um hvernig hún hyggst ná bindingu lausafjár, vegna endurgreiðslna af skuldum samkvæmt 1. mgr. bráðabirgðaákvæðis þessa, sem uppfyllir öll skilyrði reglna þessara.

Bráðabirgðaákvæði þetta fellur úr gildi þann 1. janúar 2013 sem og allar undanþágur sem veittar hafa verið samkvæmt því.

Reykjavík, 27. september 2012.

Seðlabanki Íslands,

Már Guðmundsson
seðlabankastjóri.

Sigríður Benediktsdóttir
framkvæmdastjóri.

B-deild – Útgáfud.: 28. september 2012